

四庫全書

子部

欽定四庫全書

子部
普濟方卷八十六

詳校官太醫院院使臣張肇基

編修臣倉聖脈覆勘

總校官庶吉士臣倉聖脈

校對官中書臣嵇承志

謄錄監生臣劉耀馥

欽定四庫全書

普濟方卷八十六

明周王朱橚撰

眼目門

一切眼疾難治

治氣昏蒙

出海上方

赤芍藥 黃連 檳榔 荊芥 石菖蒲 蒼朮

白芷 當歸

去鬚各等分

右研為細末食後臨卧用津液舌上調傅眼患處立

愈

一方

出海上方

右用爐甘石一兩用川蜀道地粉者佳臘水浸地黃一宿却取連水浸甘石一宿以沙鍋火煨却於水內淬七次加當歸末半兩海螵蛸號丹各半錢輕粉一厘蜜二兩麝香少許

秘方紫金膏

出海上方

黃連

十兩淨槌碎

黃皮

十兩去皮外洗剉

右以臘水於淨鍋煎取一升濾滓再用水二斗煎取一升復以重絹綿濾

杏仁

三七粒去皮尖
研極細作膏

蕪荑

半兩去
皮研細

右以前藥水同於銀石器熬成膏

黃丹

五兩先用細絹
羅了再研極細

銅青

淨
輕粉
各四
十文

右同入前膏子內不住手攪勻再用艾葉二十片重搗去麝殼燒烟熏藥膏子了然後丸如皂子大陰乾
密器收藏用腦麝養久留為妙每用一丸井花水磨點

又一方

出海上方

治一切眼疾

腦子

細研

麝香

各四分

黃丹

輕粉

各一兩

蜜

一斤

北葶

二斤

甲許將盞子盛於火飛過取淨潔者用

蟬粉

一兩

右先用黃丹蟬粉入蜜內打勻於飯上蒸一周日蒸時又入煎了黃連少許最佳蒸時令熱了將新綿濾過次入腦麝北葶同和打勻又甑上重蒸少時令熱將淨瓶內貯之用銅釵頭點之眼中

資聖點眼藥用竹筒貯之

撥雲散

出經驗濟世方

治一切眼疾

黃芩

石膏

別研

荊芥穗

蒼朮

甘草

甘菊花

蟬退洗

旋覆花

各一兩

右將甘菊旋花用好酒拌勻蒸過熟晒乾杵為末每服二錢茶酒調下三服

花全蝎散 治夾腦頭風一切眼疾

全蝎

一錢半

細辛

藁本

羌活

川芎

防風

各五

錢

白花蛇

三錢炙

右為細末每服一錢臨卧茶清調下

秘方點眼藥

出海上方

治一切眼疾不問年月久近者

代赭石

爐甘石

各一兩用童子小便滓七次

黃丹

四兩水飛過

蜜

一斤四兩 硼砂

腦子

各三錢

右先將黃丹蜜用銅鍋炒成紫色然後用河水十二大碗滾五七沸然後將二藥為末下銅鍋用蜜水煉以柳條攪煎成膏滴在水內不化為度將絹一重皮紙五重濾過盛在盞內牢封裹口埋在土內去火毒次日取出將腦子硼砂一處研細放在瓶內攪勻點

不問遠年一切昏眼害眼皆治却忌房事上十分昏者點五七次必微腫却少歇再點復陷即愈神效

又方

出海上方

治一切眼疾

黃連

一兩以水煎至一盞綿濾去滓

朴硝

黃丹

光粉

好粉

各半
蜜
兩

右除黃連外細研同蜜煎煉稠入黃連汁以四五重綿濾過候冷再入腦麝一錢用點之神效

治一切眼瘡

真珠

五百枚

薤仁

五百枚

南硼砂

五百枚

北硼砂

五百枚

腦

子一

麝香

二錢半

右共三兩二錢半為末研極細點眼上

治眼花方

水

二碗半

杏仁

七箇為兩半

甘草

一寸

銅錢

四十九文

黃

連

一寸

銅綠

少許

右用銅鍋內煎至一椀去滓溫洗之合眼少許又用

青鹽一錢

又方洗眼

黃連

杏子

當歸

銅青

滑石

細辛

各等分

右用帛裏分麤末水浸洗之

治三十年失明

出千金方

鍾乳粉

雲母

各煉成

細辛

茯苓

遠志

五味

子

各等分

右治篩以酒服五分已日加三加至一錢

黃芩黃連湯

治一切眼疾

黃芩

黃連

各酒洗
各二兩

酒生地黄

草龍膽

酒浸四
遍炒四

遍各
一兩

右呖咀每服二錢水煎服

椒紅丸

出三
因弓

明目煖水臟補虛久服駐顏縮小便

川椒

取紅
四兩

巴戟

去心

金鈴子

剉

附子

炮去
皮夫

茴香

炒各
一兩

右為末別用乾山藥三兩為末酒煮糊為丸如梧桐

子大空心鹽湯送下三五十九

黃連膏

出瑞竹
堂方

治一切眼疾

黃連

十兩
去鬚

薤仁

三錢
炒研

杏仁

七十箇
浸
去皮尖

草龍膽

二兩
去土

木賊

去節
七錢

右將藥各擇洗淨用水一斗浸之春秋三日夏二日
冬五日入鍋內熬至半升濾去再用水七升熬至小
半取出用重絹濾過再熬至半升傾出於碗內重湯
煮為膏子盛於瓷器內每用米粒大於盞內用水一
滴化開以釵頭點之三五遍口內覺苦效

川芎散

出海
上方

川芎 白芷 細辛 龍腦葉 猪牙皂角子

右等分為細末嚙入鼻中

珀霞散

出危氏方

洗眼

銅青

三錢滑石

一錢

土膏

半兩

輕粉

麝香

各少許

右為末每用少許湯泡洗

竹葉飲子療熱風暴赤臉爛生瘡或礮或疼或痒或痛
久患虛熱遠視不明喻若隔絹看花或服石乳發動
冷熱淚出不明赤紅腫脹漸裏眼珠皆稱肝膈實熱

腎腸已虛宜先服此然後可藥

竹葉

一握乾葛

甘草

炙各三兩

地骨白皮

薺芫

各五兩

右切以水二小升煎取半升去滓內車前子三兩半
分三服一日令盡食後服之不過三劑眼中疼痛歇
次得點一無疼痛亦須傳藥抽熱毒風不然恐尋經
脉入眼熱深入赤難瘥也又取羊肝一具或猪肝猪
肉精處亦堪取三斤皆須破作手許大片厚薄亦如
手掌候其疼處或從眼後連耳上頭或從眉向上入

頭掣痛者急以新汲水漬令極冷貼疼痛脉上及所
患部分候肝或肉以大槩稍暖則易之須臾間熱如
煮豈不是熱毒之候出也齊忌之月無肉還作四五
替如漬乾肉法更互熨之其疾痛或連鼻中酸辛者
並是難差之候並宜急治又用藍莖葉搗如泥傅痛
處亦有瘥者十得三四凡起此患不宜久忍痛若深
入於眼中漸成痛疼

花草膏

出直
指方

治患眼腫痛澀痒昏淚羞明

用羯羊膽一枚飯上蒸熟以冬蜜研和入硃砂末少許頻研成膏食後臨卧炒少許含嚥亦可點目

點眼藥

出危氏方

用大田螺一箇淨養去泥然後入瓦合中以腦麝少許入田螺揜中封起候十日餘開即成水點之

金露膏

出蒲生拔萃

治一切眼疾除昏退翳截赤定痛

蕤仁

槌碎

黃丹

各一兩

黃連

半兩

蜜

六兩

右先將黃丹鐵鍋內炒令黃色至紫色入蜜攪勻下

長流水四升以嫩柳枝五七莖把定攪之次下蕤仁
候滾十數沸又下黃連用柳枝不住手攪熬至三升
單籬內傾藥在紙上慢滴之無令塵污如有瘀血加硃
砂末一錢上火煨開入煎膏子內用

通關散

出直
指方

治一切眼疾

細辛

川芎

腦荷

蔓荊子

等分

右為末每用半錢嚙入鼻內良又頭風門消風散加
細辛皆可通用

青金散

出儒門
事親

芒硝

一兩

螺青

沒藥

乳香

各少許

右為細末每用少許鼻內嚙之

眼藥

出百一
選方

治一切眼疾

蕤仁

細研竹紙
裹壓去油

蕪荑仁

新者細研竹紙裹壓去
油二件各四十九粒

透

明礬砂

如指大細研如磨翳
多用之赤目少用之

生龍腦

如礬砂
大細研

右同研勻將沙糖如指大先篩極細須夾紙篩過與

前藥再研極細銀磁盒子收之以銅筋點眼中百疾

皆治之

洗眼荊芥散

出余居士選奇方

荊芥

文五

黃連

文五

杏仁

文三

鉛山白礬土

文三

右件剉碎煎湯洗之立明累見其效

龍膽膏

治眼疾

黃連

四兩洗淨剉用水四盞慢火熬成膏去渣

蜜

一斤慢火熬令得所却入黑膏子熬

黃

丹

許少

龍涎粉

一兩即膩粉

右將先前藥膏熬後入粉再用半盞水研細傾入蜜

藥膏在內慢火熬用篦子攪令紫色傾在罐子內再用水半盞洗熬藥器物依前傾入藥內却入麝香半錢片腦半錢攪令勻遇患點之

諸般患眼方

朴硝

一斤

薄荷

二兩

梅花腦

一斤

麝香

五文

百

右先用小甜瓜末黃者取子出淨却將朴硝水洗淨將鍋內煎如鹽又將薄荷相間朴硝置之瓜中却封紙袋掛在風頭處或一月二月取下瓜刺落瓜內硝

為細末却用腦子麝香少許調勻點之

四聖丸

出傳信
適用方

治遠年近日風赤翳膜攀睛倒睫等

眼疾

川椒

又去合口者并細黑子不須去白搗羅末下土
鉢內熬令得所鋪紙一張於地上傾椒出火

毒

熟乾地黄

枸杞子

荊芥穗

右等分為細末煉白沙蜜為丸如梧桐子大每服十
丸至二十九空心鹽湯下

治眼疾

開元銅錢四十九文

槐條

四十九根
每長一寸

枸杞根

四十

九根每
長一寸好醬水

一大碗

右同煎用小盞臨卧點之立愈

神仙藥應丸

陳皮 生地黄

男用熟
女用生

人參

各一錢

丁香

母丁四箇
小丁三箇

右用薑汁調麪餅裹前藥於慢火內煨候麪熟藥香
取出去麪將內藥安石臼內用北棗三十箇合春分
作十丸先用一丸細嚥用無灰酒吞下將綿被重蓋

出汗透旋去被每日再服一九五日效

神麴丸

出龍木論一名千金神麴丸

主清目百歲可讀細書常服

益眼目諸方不及此方神效勿傳非人

神麴

炒四兩

辰砂

研

磁石

火煨醋淬七次各二兩

右為末煉蜜丸如梧桐子大每服二十九丸米飲下常服益眼方用辰砂磁石猶火之畏水也今合用之砂法火而入心經磁法水而入腎經心腎各得其養則目自然明神麴倍於二品者無他目疾總由脾胃有

痰飲清浸於肝久則昏眩用以健脾胃消痰飲故極效衆方不可及也一方加夜明沙一方用神麴打糊

為丸

視星膏

出瑞竹堂方

治內外障赤毒氣赤目一切翳膜

一名

捲簾膏

白沙蜜

一斤煉去蠟滓可秤十四兩

蜜陀僧

一兩金色者研極細水淘可得六七

錢

新柳條子

四兩去皮心半乾半炒

右用臘雪水五升與蜜鎔調入藥與柳條子同貯於

磁瓶中以柳木塞瓶口油絹封雜於黑豆鍋內熬從
朝至暮仍用柴棒閣瓶防傾側用文武火另添一鍋
豆水滾下施於另鍋中取水添之熬成用重綿濾淨
却入瓶中用井水浸三兩日埋在雪中更妙頻點為
上

靈寶膏

出楊氏
家藏方

黃丹 乳香

各三錢

蜜

二兩

右以磁器安藥在中慢火熬成膏子埋地下出火毒每

一豆大許塗目四傍目熱赤以生地黃汁調或龍腦薄荷汁調風氣眼荊芥湯調爛弦風眼用楓木孔中水如無用楓乳煎湯調虛眼煎黃耆湯調有淚者宜用飯飲調塗

銀青丸

出仁存方

洗諸眼患

銅青

半兩另研

薑粉末

二錢半

爐甘石

煨半兩

右為丸如龍眼大以紗袋盛當風掛之每用一粒沸湯泡洗再溫再洗可用五六次一方洗眼收淚用銅

青白塏土水丸鷄頭大沸湯泡洗名青金丸

龍腦膏

治眼赤眦瞼赤爛

出仁存方

龍腦

研一錢

杏仁

去皮用紙罩去油二錢半

右共成細膏用飯子乳汁調勻磁器中盛每以銅筋點少許入眦頭日二三次兼治赤眼

瀉肝散

出海上方

大黃

黑牽牛

各二兩

白芷

一兩

右為細末每二錢空心臨卧溫酒調下

金蓮子散

出醫方集成

治肝經不足客熱風壅上攻眼目

赤澁睛疼瞼爛怕日羞明夜卧多淚時行暴赤兩太陽穴疼頭旋昏眩視物不見漸生翳膜並皆治之

黃連 當歸 赤芍藥

右等分沸湯泡待澄清然後再於火上溫熱用絹帛蘸洗冷即復煖一日數次直至口中覺黃連味方得加淡竹葉尤妙加滑石等分即明睛散也凡睛病皆血凝滯所致故以當歸芍藥行血黃連去熱其血得

熱則行故乘熱洗之也忌一切淹藏魚鮓酒麪等毒
一用當歸半兩芍藥黃連甘草各二錢半為咬咀煎
至八分以紙蓋瓶口開一小孔無風處薰眼冷則再
溫隨意薰之畢就服之為效經驗方陳氏云余少嘗
患此得方

秦皮湯 治黑睛反瞳人有瘡翳一切眼疾皆宜洗之

秦皮

一兩

梔子仁

二十七枚

淡竹葉

一握

右切綿裹以水一升半煎銅器中煎三五沸以綿濾

取洗眼須用淨器盛之

杏連湯

出危氏方

治患眼

杏仁

去皮尖
七箇炒

黃連

一錢赤眼
用七莖

棗

一箇拍去核赤眼
用去核大者同上

用器盛用水八分蒸取二
三分再蒸溫取汁點之

右用水一小盞飯上蒸熟乘熱蘸熏洗再蒸再洗可用
五次七次一方將三味擣碎以河水二大碗煎至一
碗乘熱洗良久再暖復洗五七遍立愈忌炙烤酒麪
等物朱氏集驗方用新瓦盆盛貯入水八分以紙覆

蓋慢火熬存二三分放在地上去火毒候冷存在湯瓶上蒸溫不要熱病者仰卧令人滴藥汁在眼大角近鼻者候口中苦味即是藥透如未知苦則一面滴數次即安其效如神

重明膏 治一切眼目

柯子

一兩到
去核

黃連

五錢

黃丹

三兩
水飛

右為細末用好蜜十兩熬去白沫濾淨入前藥末於銀銅器內用文武火慢熬用槐條攪成膏紫黃色為度

用淨磁器盛貯於地內埋一伏時去火毒每用一豆
大溫水化開洗眼

三仙丸 明目

甘菊花

一兩

蒼朮

米泔浸
去油

椒紅

各二兩

右為細末酒糊丸桐子大每服三五十粒食前茶酒

下

蜀椒丸

一名蜀椒丸
傳適用方

治一切眼目或見黑花及生障

翳久近不痊者

地黄

一斤洗淨焙乾

川椒

一斤去合口并子焙乾

蒼朮

三斤米泔浸三日焙乾

右為細末麴糊為丸梧桐子大每服三十丸食前溫酒或鹽湯下日二服一方鍊蜜為丸

洗目

槐條 荊芥 芍藥

右湯泡洗之

撥雲散 治一切眼內外翳膜遮障礮瀝疼痛羞明怕日努肉攀睛及冷熱淚

楮實

微炒
一兩

荊芥穗

半兩

甘草

各對
一分

右為細散每服二錢臘茶調下食後臨卧服

菊花丸

治一切眼疾明目

菊花

四兩
烏頭

生去皮
臍二兩

黑豆

二合生去皮為末
滴鹽水爛研為膏

右先將上二味入黑豆膏內和搗丸如梧桐子大每服三十丸空心溫酒或鹽湯下

木賊散

治一切眼疾

木賊

小便浸七日
取出曝乾

甘草

炙對各
一兩

蒼朮

四兩河水浸
一日去皮用

陳粟米泔浸七日
控去片切曝乾

右為散每服二錢空心臨卧茶酒調下

周益公陰德錄

出永類
鈴方

有貴官患氣障眼不見光明

夢觀音授方

蜜蒙花散
撥雲散
菊花散

右和勻茶清調日三服光明復初

治一切眼疾

爐甘石

煨一兩

盆硝

一錢研

右為末細研煎泡洗亦效

二百味草花膏

出仁
存方

治白眼赤眼爛眼障眼

羯羊膽 蜜

右用白沙蜜二錢填滿線繫定攪令勻蒸熟冷水內
浸候乾研細為膏八角罐子內銀銅筋點眼四角立
效蜂採百花羊喫百草故以此名一方入沙腦子以
罐密封收貯久者膽方可用每一銅筋點眼

卯戌丸

出海
上方

兔絲子

去沙用無灰酒浸一宿通乾隨飯蒸熟
入鉢白搗三五十下取起焙乾用十兩 枸

杞子

去枝根揀
淨十兩

右為細末煉蜜為丸如梧桐子大每服三十丸冷酒

熱水茶下

辰砂膏

出王氏
傳濟方

治白眼目一切疾

白龍腦

烏魚骨

研至細
飛過用

川硝

麝香

少許 牛黃

牙硝

甘鹽

石膽

各少許

朱砂

明壁者
少許

膩粉

一錢

右用研令勻至細為妙入白蜜和令得所以銅筋點

之

去瘟障變白明目夜中見光

出本草

以麥門冬及車前子乾地黃為丸食後服之

治患眼痛

出本草

取真珠末并黃連肉於田螺中良久汁出取汁注目

中多瘡

洗眼明睛散

出本事方

馬牙

揀淨一兩

青礬

少許

右用研勻水調文武火煎乾出火毒一宿次用蔓荊子防風二味為極細末各三錢重入前二味同拌勻每服一匙同百沸湯泡洗

點眼水膏

出本
事方

鵝梨

一箇

雞爪黃連

去毛洗
淨半兩

右用砂瓶一隻先入梨次入黃連末候初冬第一次下雪時取雪滿鋪入砂瓶內用油單封口入地五寸深候立春日交春時候過了取出點或溫過洗妙

光明散

出海上方

治一切眼疾不問病因

爐甘石

黃連

各四兩

右先將黃連細剉用新汲水二升將黃連浸之三四日後藥味已出去黃連滓用汁將爐甘石火內煨至黃連汁盡了地上出去火毒用乳鉢內慢慢細乳之用水半碗水內飛之去砂以盡為度用甘石末四兩再入乳鉢內細細研之入腦子一錢麝香一錢再研細為度每用一匙或點或沸湯泡洗之一方無麝香

用水煮

點眼方

出聖惠方

治一切眼病

海螵蛸末

一錢一名烏賊魚骨

腦子

少許

右研細銅筋點入眼中一方洗亦可

六一丸

傳信適用方

明目養血補氣

七錢附子兩隻

炮去皮尖臍取肉一兩

當歸

去蘆尾取身切片曬乾取肉六

兩

右為細末蜜丸如梧桐子大每服三五丸溫酒或

鹽湯下食前

治眼疾

白礬

如米大

山梔子

一箇

右溫水洗之

治一切眼疾

以春三月收穀木軟葉曝乾為細散一兩入麝香一
大豆許重研為細末以小杖子挑取如黍米注目眦
內眼閉其翳自然漸消落

治一切眼疾不可效者

以人耳中塞如濕曝乾為末以小粟許每夜上注之

良

春雪膏

朴硝

十斤

右用水一桶攪勻入鍋內煎先下蘿蔔一箇同煎熟
又下二個蘿蔔煮熟為度同新綿鋪上在絹羅上濾
過再煎數沸再濾過瓦盆內明早去水已結白牙子

却收猪魚牛膽汁澆在硝上用猪胞或牛胞盛之扎
定置錫盆中三七日取出用生絹袋盛之當風掛粉却
用腦子麝香入之隨意研勻入磁器內密封每帖燈
心二寸黑豆二粒以青紙作貼盛一錢作二服仍用
內燈心蘸藥點兩背頭良

明日令髮不落方

以十月上己日收槐子內新淨甕中以盆密封口三
七日發封洗去皮取子從月一日一枚日別加計十

日五十五枚一月日服一百六十五枚一年服一千九百八十枚八月減六十枚此主補腦早服之髮不白好顏色長生益壽先病冷人勿服之

又方

出聖惠方

治一切眼疾長服明目令髮不落

以牛腦中漬槐子陰乾百日食後吞一枚十日身輕三十日白髮再黑百日通神

又方

出仁存方

治一切眼疾

以木賊草打指甲細末同硃砂末等分再研極細以

露水攪為丸如芥子大每服一粒夜卧點入眼內夜半更點一九入腦子尤妙

經進洗眼方

出上海上方

昔武勝軍朱仲孚患青盲二十

年依此法服之二年而目明如故用廣其傳

以白乾青桑葉及新所曬乾非自乾者逐月按日就淨地上燒灰存性每以一合於新瓷器內煎減二分傾出澄極清者再以金盞就火上溫熱用手撐開眼洗百度一方按月收如正月一日二月二日三月三

日等類最佳以水內碗浸飯上蒸洗之亦妙此方屢試有驗時時洗之尤佳逐月日列于左

正月初八日 二月初八日 三月初六日

四月初四日 五月初五日 六月初二日

七月初七日 八月二十日 九月十二日

十月十三日 十一月初二日 十二月三十日

神仙一點散

出海上方

治一切患眼諸藥不效者

以清白蘊黑碎者不用不拘多少以七數為則去邊

頭不用取純乾淨者以好厚紙七層包之拴縛掛在
當風處待風化四十九日取下要時研極細如半粒
菜豆大點眼

徐神翁洗眼方

出海上方

以柘樹煎湯洗眼遇洗日自寅至亥一日洗十箇時
無不效洗眼良日列于左

正月初一日 二月初二日 三月不洗

四月初四日 五月十三日 六月十一日

七月初七日

八月初二日

九月初二日

十月十九日

十一月不洗

十二月十四日

還光丸

出海上方

治一切眼疾

以白芷切炒黃研末煉蜜為丸如龍眼大硃砂為衣
每服一丸食後清茶調下或荊芥茶尤妙

又方

出海上方

治一切眼疾

以生冬青葉研細入朴硝水調匱貼之

治鹽擦眼

出經驗良方

治一切眼疾

用龍翦燒灰淋汁洗之久久可效

荊芥穗方

出龍木論

治一切眼疾血勞風痛頭旋眼眩

以荊芥穗子為末酒服二錢匕

助陽和血補氣湯 治眼發後上熱壅白睛紅多淚無

疼痛而隱澁難開此服苦寒藥太過而真氣不能通

九竅也或眼昏花不明

防風

七錢

黃耆

一錢

甘草

炙半錢

蔓荊子

三分

香白芷

二分

麻

七分

柴胡

五分

當歸身

酒洗半錢

右咬咀作一服水一盞半煎至一盞去滓熱服臨卧
忌氣寒及食冷物

敷藥瞿麥散 治一切眼疾兼目腫痛浸淫等瘡

以瞿麥炒令黃色為末鵝涎調逐時塗背頭疾開或
搥汁傳

治目中病

以雞舌香黃連乳汁煎點之

治一切眼目并牢齒烏髭鬚皆宜

以黑鉛半觔大鍋內鎔成汁旋入桑條灰柳棍攪成沙熟絹羅為末每日早晨常擦齒牙後用溫水漱在孟子內取用其水洗眼治諸般眼疾翳黃白者用之皆變黑也

治目疾方

用象睛和乳滴目中

黃連丸 治眼

以黃連不拘多少搥碎用新汲水一大碗浸至六七

日後用綿濾過取汁入厚碗內却以重湯上熬不住以匙蕩攪候乾為度即穿地坑子可深一尺以瓦鋪底將艾四兩坐瓦上以火燃如灸法然後以碗覆上四畔泥封開孔令煙出盡即止取出刮下丸如小豆大每服十九丸甜竹葉煎湯下

明目去眼中膿水方

以上伏日採犬膽以酒服之良

枳殼方 明目

用枳殼一兩杵末如茶法煎呷之

槐葉方 明目

用嫩槐葉一觔蒸如造炙法取藥葉研末如茶法煎呷之

茯苓方 明目

以茯苓搗細於水盆中攪令濁浮者去之是茯苓筋若誤服令人眼中瞳子并黑時作昏花目盲切記之取其沈好者用佳

栢實方 治一切眼疾

一方以栢實不拘多少服之能益氣除風久服耳目

聰明

一方 治一切眼疾及生膚赤白膜

以蛔蟲燒為末傳之一方用小兒吐下蛔蟲陰乾生用碾為末輕粉和勻如濕乾摻如乾以津唾調傳

如聖散 治上焦壅熱一切眼疾

桂

去粗皮

爵金

各半兩

馬牙硝

三兩

甘草

一分

右為散每服一錢臨卧新汲水調下服藥畢去枕卧
少時令藥行到眼中覺痛淚出為度小兒十歲半錢
五歲以下一匙

治目翳及物入目又療氣赤眵淚

用羅勒子三五顆致目中少頃當濕脹與物俱出

枸杞煎

取枸杞自然汁銀石器熬成膏入白茯苓末白沙蜜
黃蠟少許每服一匙溫酒鹽湯化下

明目方

用車前草自然汁調朴硝末卧時塗眼胞上明早水洗去妙

又方 輕身益氣明目

蕪菁子一升水九升煮冷汁盡日乾如此三度搗末取服方寸七日三

炙肝散 治一切眼

苧麻子

一升揀去土拌為末

以豬肝一片如手大薄批作五七片於藥末蘸勻
炙乾再蘸再炙末盡為度搗為散每服一匙止空心
臨卧陳米飲調下服五七服加半匙又五七服加至
半錢止

治諸般赤眼攀睛雲翳

菖蒲根不拘多少搗碎濾自然汁用文武火煉作膏
子點效

蟬花散 治風眼氣昏淚痒翳膜或頭風牽引眼小胞

爛一名蟬花無比散

當歸 防風 羌活 石決明

用東流水入鹽煮一伏時搗研入粉

各三兩 蟬殼

洗晒

甘草

炙各二兩

荊芥

蛇皮

皂角水洗新瓦焙

細

辛

各一兩

茯苓

四兩

蒺藜

炒去角八兩

芍藥

蒼朮

童尿浸二宿去

皮切晒久

川芎

三兩

右為細末每服二錢食後米泔清茶任下

神聖膏

一名太良膏出海上方

治一切風眼眼目昏花兼諸般

雲翳眼疾內外障風赤冷淚等眼

訶子

一對

黃連

去鬚土
五錢

烏魚骨

去殼
二錢

青鹽

一錢
走水
洗淨以上

四味研羅
為極細末

黃丹

四兩用青碗
淘飛曬乾於銀石器
內炒紫攤紙上
地下放令去火毒

末
研細

右用白沙蜜六兩於銀器內鍊清濾去滓秤四兩洗
下黃丹用槐柳條攪勻慢火熬時時不住手大忌火
緊將稠出火再下餘四味藥末攪勻上火再煎只要
極稠深紫色成膏子手試不沾手為度乘熱用竹篦
刮出放於磁器內每用豆粒大湯泡洗眼大效熬藥

忌銅鐵器一名海青膏治雲翳內外障

人參羌活散 治風眼熱眼澁痒昏朦

羌活 獨活 柴胡 人參 川芎 枳殼

炒 麩 炙

苓

各半兩

前胡 桔梗 天麻 地骨皮 甘草

炙 各

二錢半

右為末每服一錢半荊芥煎湯調下

聖效散

出經驗良方

諸般風熱風痒熱毒大人小兒生翳

生膜生血筋但是一切障眼疾並可服如內障却不

可服及治眼有紅綿紅血并眼生糞

黃芩 北細辛 甘草 熟地黄 大黃 山梔

子 赤芍藥 當歸尾 極細 牛蒡子 各二兩 菊花

桑根白皮 二兩有翳膜多加一兩如無翳膜止依等分

右為麤末每四錢水一盞半煎至八分去滓臨卧溫
冷服兩滓再煎早食一服午食一服臨卧一服忌鷄
魚酒麪糯米醢醋熱油諸般生冷毒物目乃一身之
主如不忌口藥亦無功自陷此身生入地獄每日只

白煮精猪肉噉飯或山藥蘿蔔菜不可用熱油更不可喫棗子柿子生銀杏土瓜榧子生薑

蟬花無比散

出翳方大成

治大人小兒遠年日近風眼攻

注眼隱澁昏暗瞼生風粟或痒或痛漸生翳膜侵睛遮障視物不明久患偏正頭風牽抽兩眼漸漸細小連眶赤爛小兒瘡疼入眼白膜遮睛赤澁隱痛

赤芍藥

十三兩

防風

甘草

炙

白茯苓

去黑皮各四兩

蒺藜

小去角半斤

羌活

三兩

蟬殼

微炒一兩

蒼朮

浸去皮炒十二兩

當歸

洗焙

川芎

石決明

用鹽同東流水煮一伏時
濾出研細如粉各三兩

右為末每服三錢食後米泔茶清任調祛風退翳明目一方加蛇脫一兩忌食發風毒等物

碧雲丹

出宣
明論

點一切惡眼風赤者

龍腦

麝香

硃砂

各三
分

血竭

乳香

銅

各一
錢

硼砂

三
錢

右為末滴水 and 丸如梧桐子大每服取一九新水化開點之

治眼腫痛

出經驗良方

用生薑新水爛者連皮切取自然汁調飛過白礬末貼放眼胞上痛止勿令藥入眼內

乳香散 治一切眼疾昏澀熱淚赤脉努肉蔽遮光明及風痛痒不止

乳香

研三錢

銅綠

研

馬牙硝

研各一兩

龍腦

研二錢

輕粉

半分

右各別研了更用同研每半錢匕新汲水調洗之

青囊方

青蘘味甘寒無毒主益氣補肺常服耳目聰明

治上焦積熱攻眼目昏花

右涼膈散與四物和合為細末蜜丸如梧桐子大五
十九臨卧茶清下

顧舍養嫂失明

出肘
後方

舍嘗藥視膳不冠不食嫂目疾須用蚺蛇膽含計盡
求不得有一童子以一盒授舍舍開乃蚺蛇膽也童
子出門化為青鳥而去嫂目遂痊

通聖散 治婦人血風眼

烏賊魚骨 二錢 銅青 一錢

右為細末每用一錢熱湯泡洗如冷再盪令熱更洗一次

當歸散

出朱氏集驗方

治一切眼疾

川芎 菊花 當歸尾 荊芥 羌活 生熟地

黃 防風 乾葛 白芍藥

各三分

右麤末白水煎候入生地黃汁數點

磁石丸

出朱氏
集驗方

治目清神

磁石

煨醋淬
十次

白朮

神麴

枸杞子

橘皮

當

歸

人參

熟地黄

辰砂

朱膝

白茯苓

乾菊花

右等分為末酒糊為丸白湯吞下五十粒

青金散

出朱氏
經驗方

治眼四季發動

羌活

甘草

荊芥

熟生地黄

川芎

鬱金

地骨皮

桑白皮

各一
兩

右咬咀每服三錢水一盞煎至八分食後熱服

清涼枕法

出本草

羌活

川芎

淡竹葉

防風

防己

菊花

黑芎

當歸

芍藥

枸杞子

蜜蒙花

山梔

子

荊芥

薄荷

甘松

香白芷

旋覆花

地骨皮

各等分

右為麤末用袋子盛之枕頭

羊肝丸

出本草

用黃連末一大兩白羊子肝一具去膜同於砂盆內
研令極細衆手撚為丸如梧桐子大每食以煖漿水
吞下二七枚連作五劑瘥但是諸眼目疾及障翳青
盲皆主之禁食猪肉及冷水劉禹錫云有崔承元者
因宦治一死囚出活之囚後數年以病目致死一旦
崔為內障所苦喪明逾年後半夜歎息獨坐時聞階
除窻窳之聲崔問為誰曰是昔所蒙活者囚今故報
恩至此遂以此方告訖而沒崔依此合服不數月眼

復明因傳此方於世

烏賊魚方

出保生方

治疳眼

烏賊魚骨

牡蠣

各等分

右為末糊丸如皂角子大每服用猪子肝一具藥一
丸清米泔內煮肝熟為度如食肝用煮肝泔水下三
兩服

龍膽飲子

出衛生寶鑑方

治疳眼流膿生疳翳濕熱為病神

効亦治寒濕為病

青蛤粉

兩半

羌活

三錢

草龍膽

三錢

炒黃芩

二錢

蛇退皮

半錢

麻黃

二錢半

穀精草

半兩

升麻

二錢

川鬱金

半錢

炙甘草

半錢

右為細末每服二錢食後茶清調下忌辛熱之物

白藥子散

指出直指方

治一切疳眼赤爛目生翳膜內外障

疾并治小兒吐痢疳瀉

白藥子

一兩

甘草

半兩

右為末用猪肝一片批開摻五錢水一大盞煮熟食

後服

荒蔚子丸

出衛生家寶方

治氣眼退翳

荒蔚子

一兩

華澄茄

一兩

石決明

一兩

青箱子

一兩

人參

半兩

白朮

半兩

茯苓

一兩

甘草

半兩

枸杞子

一兩

羌活

一兩

右為細末鍊蜜為丸如彈子大每服一丸細嚼用清

茶送下

大明散

出王氏博濟方

治一切風毒氣眼翳膜昏睛眼澁疼

熱淚時出

蟬退

白蒺藜

川羌活

黃耆

荆芥穗

烏

蛇皮

各等分蛇皮蟬退三味
入瓶子內蓋口煉煆過

右同為末并二錢燒者研令勻每服一大錢酒調下
一日三服神妙

夜光育精丸

出家蒙
經驗方

養神明育精氣主健忘益智聰

補心血下壅燥潤顏色遠視移時目下眊眊腸腑調
適久服目光炯然神守泰定語音清徹就燈永夜眼
力愈壯並不昏澁不睡達旦亦不倦怠服兩三月後
覺神清眼明志強力勝步履輕快體氣舒暢是藥之

效常餌如飲食一日不可輕惟在修合洗濯潔淨藥材件正當不宜草率

熟地黃

洗晒乾以酒浸

遠志

淨洗就砧上挑搥碎取皮去骨木

牛膝

去蘆頭

兔絲子

洗淨晒乾別以酒浸別研如泥

枳殼

淨洗去穰麩炒赤色

當歸

淨洗晒乾

悟亦得

地骨皮

須自取淨後淨砧上搥打取皮

右為等分逐件秤過分兩平除地黃兔絲子別罷用酒浸其餘五味同剉細共入一鉢內或瓷內若每件拾兩都內第一等無灰濃酒六升半浸三宿取出文

武火焙乾須試火令得所不可太猛恐傷藥性十分
焙乾搗羅為末以兩手拌令十分勻煉蜜為丸如豆
大每服空心鹽酒下三十九丸增至四十九丸亦得不妨
若不飲酒鹽湯亦得但不如酒好煉蜜法冬五滾夏
六七滾候冷以紙貼惹去沫丸後却入微火燒傾入
甕收黃牧仲司諫常服此藥晚歲目視甚明

礪砂散

出十便
良方

點睛止淚明目

右用薑不計多少刮去皮洗淨略俟水氣乾搥擦以

夾絹袋裂汁淨器中盛澄一兩日蓋之撇去清者其
淀慢燂乾研細如粉用礪砂等分合研勻令細瓷合
收之每用銅筋點少許於大小眚間點之去昏與風
毒如神

藥性論

出肘
後方

空心用鹽指齒少時吐水中洗眼夜見小字良

觀音應夢熊膽丸

出衛生
家寶方

治雙目失明內外翳障年

深日近醫治不瘥者

南熊膽

錢一

蔓荊子

水一合

仙靈脾

兩一

旋覆花

兩半

麒麟

竭

錢一

草龍膽

兩一

防己

兩二

黃連

瞿麥

兩半

蜜蒙花

二兩半

甘菊花

兩半

蕤仁

錢二

蛇退

兩一

地骨皮

兩一

羌

活

一兩半

木賊

一兩去脚

羯羊肝

一具

一半生用

一半煮熟焙乾

右為末將生羊肝去膜乳爛入藥一處搗勻丸如梧

桐子大每服三十粒食後用米飲下吞

神驗驅風散 治眼之法先須治風風候既息用藥攻

治則易見其效眼疾無問重輕新久欲調治先進此

藥數服却隨症副以他藥無不立見効者或無別藥
相間多服尤佳若患雷風眼諸症候只此藥一劑不
必別藥服之可以斷去根本仍治新久偏正頭疼或
暴赤眼三兩服即如脫去

川烏

兩斤大者一炮去皮
尖不用皮尖用生

天南星

一個大者有油
盆粉白者生用

川芎

兩半
兩白附子
生用

藿香葉

兩半
兩荆芥穗

石膏

兩半

煨火

右為細末每服一錢入好茶末半錢薄荷五葉白梅

一個水一盞煎至半盞乘熱使用紙覆蓋面穴小竅如指令通氣薰患處後通口然後服食後臨臥飲此藥若有物螫尋患處甚效也

觀音水點眼方

出衛生家寶方

乳香

一錢

銅青

一分

白礬

三錢

當歸

一錢

鹽

一錢

黃連

一錢

蜜

四兩

黃丹

一兩暴飛今赤色

右用水一斗煎至五升濾去滓令極清入腦子一分麝香一匙硼砂三錢熊膽半錢同研入粉與前藥共

入一瓶紙封三日候香氣勻以銅筋點十數次閉目
少時湯洗之

楮桃丸 華山李真人治諸眼疾不問遠近皆治之

蒼朮

川芎

青鹽

甘草

各一兩

川椒

去目

木賊

去節

滑石

研

穀精草

各半兩

右為末以藥末四兩水三升煮桃一升水盡為度頻攪
使藥纏在楮桃上焙或曬乾每服三五個食後細嚼
清茶下如患暈翳服之神效

貼頂出光膏 治瞳人散失頭目昏痛

附子

一個重八九錢者鹽紙裹
定用文武火炮熟為度

辰砂

一錢
研

石膏

半兩

煨通赤
爛研

右和勻每服一小錢用薄荷水調成膏更入菜豆粉
和勻攤紙上貼頂心三日一次換不半月而瞳人如
故後用八子丸虎睛丸常服補之

八子丸 治諸眼患

白附子

半兩

牛蒡子

半兩
炒

五味子

半兩

決明子

山梔

子 覆盆子

各半兩

地膚皮

炒半兩

川芎 木香

一分赤

芍藥 白芷

柴胡

各半兩

芎藭

焙半兩

吳白芷

焙一兩

苦桔梗

焙一兩

紫蘂子

兩半

右為細末米糊為丸如梧桐子大每服二十九丸白湯

下食後服

虎睛丸 治眼目內外障

羚羊角

三分

柴胡

虎睛

一對

藁本

各一兩

防風

半兩夏

枯草

一兩

草決明

一兩

麝香

一別研

家菊花

半兩

腦子

半匙別研

青箱子

熟地黄

各半兩

天竺

一兩

密蒙花

天麻

紫河車

車前子

旋覆花

玄參

黃連

各半兩

蕤仁

半兩去殼別研

右為末煉蜜為丸如梧桐子大每服二十九加至三

十九荊芥湯下食後服之

通明膏

治目疾諸症

大黃

當歸

甘草生

赤芍藥

川芎

已上各等分

右為末煉蜜丸如彈子大每服一丸細嚼用茶清送

下如目疼者加乳香少許同嚼食後臨臥服

雙仙散

出衛生家寶方

治眼

仙靈脾

小瓜蒌

紅色又名王瓜

各等分為末每服一錢食後茶清調下

揭雲方 洗一切眼疾

當歸

赤芍藥

秦皮

滑石

各半兩

銅青

甘草

各半分

右為末每服半錢湯泡澄清洗

珍珠散

晚蠶砂

二兩

穀精草

一兩

夜明砂

一兩

石決明

三兩

煨

右為末每服一錢米泔水調下如赤腫上翳用猪肝夾藥札定泔一盞煎至七分先薰後服

車前子丸

衛生家寶方

治眼去瘟瘴輕身變白明目夜中

見光

車前子

菊花

生乾地黃

麥門冬

已上各等分

右為末煉蜜為丸如梧桐子大每服五十九食後用

溫熱水送下

照水丹 神妙眼藥

輕粉一匙腦子半匙麝香半匙辰砂半錢硼砂半錢水銀三匙硃

砂半匙銅青半兩杏仁三粒湯去皮炙

右為末如法研了用蠟一塊如彈子大鎔和勻小合盛旋取作子餅睡時安眼頭天明以水一盞照下看膜依前收夜再用

金絲膏

出衛生寶方

治一切年深日近風毒眼目內外翳障

攀睛瘀肉貫瞳人或痒或疼

川黃連

半兩

宣連

半兩

青鹽

二錢

號丹

二錢

黃白皮

半兩

去麁

兩

皮

乳香

二錢

大棗

二十

白丁香

二十

蜜

四兩

煉蜜

同藥入

燈

錢

心

三百

莖

右除蜜外並搗碎湯浴洗淨不犯鐵器用井花水一

升砂石器中熬切勿令火緊候至十數沸用生絹袋

濾過放冷至五七分再濾以赤小豆葉煉丸食之

令人肥悅明目延年不老

出本草

取冬瓜仁七升以絹袋盛之投三沸湯中須臾出爆
乾如此三度止又與清苦酒漬浸一宿暴為末日服
之方寸匕

明目定心

出本草

以隨方向日取水飲之

明目

出本草

用菜豆作枕枕之

明目

出本草

菊花生熟並可食之

通治目

出本草

取烏鵲目睛注目中

治失明

出本草

取羖羊肝一斤去脂膜薄切以未著水新瓦盆一口
揩令淨鋪肝於盆中置於炭火上煨令脂汁盡候極
乾取決明子半升蓼子一合炒令香為末和肝杵之
為末以白蜜漿下方寸匕食後服之日三加至三七

止不過二劑目極明服之一年妙夜見文字并諸物
其殺羊即骨歷羊是也

主驚悸心熱能安心明目去赤眼翳障熨熱腫

以玻璃珠此西國寶也是水玉或云是千歲水化之
應玉石之類生土中未必是今水晶珠精者極光明
置水中不見珠熨目除熱淚或云火燧珠向日取得
火

丹石毒上攻目

論

夫丹石毒氣上攻於目者熱氣內乘於肝也在竅為目
肝受血而能視服食之人配合失宜其毒流於肝則榮
血否澁衝發於目故令兩目赤痛或生努肉不宜緩治
緩則石勢穿發睛瞳高突損爛

方

大黃丸

出聖
惠方

治丹石毒上攻眼目赤腫開眼不得澁

痛生障翳心神煩躁

川大黃

一兩剉
碎微炒

麥門冬

一兩半
去心焙

玄參

黃芩

決

明子 車前子 青箱子 黃連去鬚 馬牙硝 菹

仁湯浸去赤皮 犀角屑 寒水石已上各二分 甘草半兩炙微赤剉

梔子仁

右為末鍊蜜和搗三二百杵丸如梧桐子大每服不

計時候煎竹葉湯下二十九

大黃湯出聖濟總錄

治丹石熱毒上攻目及生翳心躁面

赤頭痛

大黃剉炒 當歸 生乾地黃焙 芎藭 葛根剉 甘草

炙炒 麥門冬 去心 焙 天門冬 去心 焙 葳根 凌霄花根是也 焙各半兩 山

梔仁 地骨皮 黃連 去鬚各一兩

右麤搗篩每服五錢匕以水一觥半入竹葉一十片煎至八分去滓食後臨臥服

瀉肝大黃湯 出聖濟總錄 治丹石發動目赤痛及風熱眼

大黃 炙 劉 黃芩 去黑心 決明子 炒 山梔子 甘草 炙 劉 桑

根白皮 劉 前胡 去蘆頭 羚羊角 鑄 枳殼 去穢 麩 炒各二兩 黃連

去鬚 大青 細辛 去苗葉 各半兩

右麤搗篩每服五錢匕以水一觥半煎至八分去滓

食後臨臥溫服

羚羊角湯

出聖濟
總錄

治服丹石過多熱毒上乘兩目赤

痛或生努肉或即腫爛

羚羊角

鎔

茯神

去木

防風

去叉

羌活

去蘆頭

芎藭

地骨

皮

菊花

各二兩

甘草

炙剉三分

枳殼

去穰麤炒

犀角

鎔各三分

麥

門冬

去心焙
一兩半

右麤搗篩每服三錢水一觥煎至七分去滓食後早

晚湯服

羚羊角散

出聖惠方

治丹石毒上攻眼目溢痛腫赤心神

煩躁唇口乾燥

羚羊角屑

一兩半

地骨皮

黃芩

車前子

各三兩

麥門

冬

一兩半
去心焙

秦艽

去苗

梔子仁

葳蕤

川升麻

甘

草

炙微赤剉
各半兩

柴胡

去苗

右搗麤羅為散每服四錢以水一中盞煎至六分去

滓不計時候溫服

羚羊角湯

出聖濟
總錄

治丹石發動燥渴睛痛赤熱淚

熱毒服

羚羊角屑

銹

子芩

山梔子仁

麥門冬

去心
焙

知

母

桔梗

剉
炒

貝母

去心
焙

甘草

白檳榔

剉各
一兩

前胡

去蘆頭

半兩

右麤搗篩每服五錢匕水一觔半煎至八分去滓溫

服

前胡瀉肝湯

出聖濟
總錄

治丹石毒上攻目赤煩悶熱氣

胃中

前胡

去蘆頭
三兩

決明子

三兩

梔子仁

二兩

黃芩

去黑心
三兩

細

辛

去苗葉
三兩

大青

三兩

秦皮

三兩

石膏

四兩

乾鹽

右麤搗篩每服五錢匕水一觥半入竹葉十片車前
葉十片細切煎至八分去滓入芒硝一錢匕放溫食
後臨臥服

決明子湯

出聖惠
總錄

治丹石毒及客熱衝眼赤淚出疼

痛

決明子

微炒

枳殼

去穢麤炒

柴胡

去苗

黃芩

去黑心

芍藥

甘

草

炙對

車前子葉

乾各一兩

梔子仁

升麻

各半兩

右麤搗篩每服五錢匕水一觔半入竹葉十片煎至

七分去滓芒硝一錢匕放溫食後臨臥服

葛根湯

出聖濟總錄

治金石發動眼痛欲裂

葛根

剉

黃連

去鬚

木通

剉

甘草

吳藍

各二兩

升麻

黃芩

去黑心

大黃

剉焙各一兩半

石膏

四兩

右麤搗篩每服五錢匕水一觔半煎至六分去滓入

芒硝一錢匕地黃汁半合更煎三兩沸放溫食後臨臥服

療先服丹石熱衝上眼赤方

黃連 苦參 槐子 各二兩 薤仁 決明子 黃芩

各五分 麥門冬 去心 薤薤 大黃

右搗篩蜜和丸如梧桐子大食後以蜜水下二十九至三十丸

犀角散

出聖惠方

治丹石毒上攻眼目赤腫疼痛

犀角屑 川升麻 黃芩 梔子仁 甘菊花

玄參

川大黃

劉碎微炒
各三分

麥門冬

一兩半
去心焙

甘草

兩

炙微
赤劉

右搗粗羅為散每服四錢以水一中盞入竹葉二十
七片煎至六分去滓不計時候溫服

車前子散

出聖
惠方

治丹石毒上攻眼黑白睛腫脹疼痛

開張不得心神煩悶

車前子

川升麻

赤芍藥

黃芩

川大黃

劉碎

微炒各
二兩

麥門冬

一兩炙
微赤剉

甘草

半兩炙
微赤剉

右搗麤羅為散每服四錢以水一中盞入竹葉二十
七片煎至六分去滓不計時候溫服

芒硝散

出聖
惠方

治丹石毒攻眼疼痛腫生翳心神躁亂

川芒硝

黃連

去
鬚

黃芩

枳殼

麤炒微
黃去穢

梔子仁

鈎藤

剉已上
各一兩

川大黃

三分剉
碎微炒

甘草

三分炙
微赤剉

右為細散每於食後烏豆湯調下二錢

前胡湯

出聖濟
總錄

治乳石發動頭痛太陽兩脉掣熱痛

目赤睛疼若毒不解當睛破

葳蕤

一兩

甘草

灸剉一兩

葛根

剉二分

前胡

去蘆頭半兩

麥門冬

去心焙

半兩

梔子仁

半兩

漏蘆

剉三分

右麤搗篩每服五錢匕以水一盞半入竹葉十片煎

至八分去滓食後臨臥服

葵子散

出聖惠方

治服丹石毒先面赤口乾目黃赤睛疼

恐變生翳障

葵子

豉

微炒

犀角屑

地榆

剉

川升麻

露蜂房

微炒各 甘草 三分炙
一兩 微赤剉

右搗麤羅為散每服四錢以水一中盞煎至六分去滓每於食後溫服忌炙燂熱麪

麥門冬湯 治諸石毒眼睛疼寒熱時作

麥門冬 去心焙 甘草 炙 黃芩 去黑心 大黃 剉 梔子仁

各一兩

右麤搗篩每服五錢匕以水一觥半煎至八分去滓下芒硝一錢匕食後臨臥溫服

柴胡洗眼湯

出聖惠方

治丹石毒上攻眼目赤痛微腫皆

爛

柴胡

去苗

蕤仁

研

黃連

去鬚

川升麻

玄參

已上各一兩

右搗麤羅為散以水三大盞煎半濾去滓微熱洗淋不限度數冷即重煖用之

三黃丸

出聖濟總錄

治諸石毒盛熱不除腹滿小便赤大

便澁不利吐逆氣衝勾目口焦目赤

黃連

去鬚二兩

黃芩

去黑心二兩

大黃

剉炒一兩

右麤搗篩每服五錢匕以水一觥半煎至八分去滓

下芒硝一錢匕溫服以利為度

黃芩湯

出聖濟
總錄

治丹石發動發熱心腹脹滿小便赤

大便難胸中煩躁目赤痛

黃芩

去黑
心

大黃

剉炒各
二兩

梔子仁

一
兩 豉 炒 三
分

右麤搗篩每服三錢匕水一觥煎至六分去滓食後

臨臥溫服

大黃膏

出聖
惠方

治丹石毒眼腫痛熱淚出

川大黃

三兩劉
生用

木香

半兩

右為細末散以生地黃汁調如稀膏傳於腫處乾即

換之

杏仁膏

出聖
惠方

治丹石毒衝目赤痒反生浮膜點眼

方見

本門目

勞肉類

兔肝方

出龍
木論

以兔肝和決明子作丸服之又生用服丹石人目腫

眼暗不見物可生食之一如服羊子肝法

治丹石攻眼方

出聖惠方

以生地黃汁澄清用瓷合子盛頻點之

治服丹石人上衝眼暗不見物

用兔肝切細醋拌生食之

鈎割鍼鑱

論

夫內經曰血實宜決之難經曰腫熱宜破攻之蓋邪毒結聚其熱成實看藥力來能去者破攻之法不可廢也凡目息肉腫弦黃膜之類皆以臟腑風熱毒氣薰發於

肝血氣結滯所成也治宜先鈎割鑷洗去惡毒次以湯散蕩滌膏劑點傳之

法

凡兩背頭有赤脉及息肉者宜鈎起以鉞鉞割去令盡未盡更割以盡為度或以縫衣細鉞穿線口啣線頭牽起別以鉞鉞向日中割之了以大鉞熨使斷其根不尔二三年間恐能復發復發睛難藥其絕厚者侵入水輪其以曲頭篋子折起勿使掣損瞳人益瞳人甚薄易損

故也凡鈎割及用鍼不宜在旦時腹空五臟皆虛令人
頭運悶倒又鈎割不宜欲速惟緩緩為之 凡眼上腫
瞼皮裹其核如米豆大漸長如梅李大者內有物如膿
似桃膠此皆風熱所致也可鍼破撥去之即瘡仍翻眼
皮向裏鍼之恐風毒又恐瞼外成痕 凡風毒熱腫結
於兩瞼熱痛不止其眼腫隱損瞳人宜用鍼刀去之乃
差 又脾風熱壅上攻眼角熱痛不止其眼腫者宜令
翻眼瞼視其黑睛上下有黃翳根脚連瞼則以法鍼去

之次以藥傳又風瞼毒熱結成腫如捨世俗呼為眼捨其風熱氣常在瞼唇邊緣瞼唇中空卷遇肝肺熱即依前結成宜鍼去結膿脹凡目赤腫脹淚出難開疼痛不可忍先患一目次相牽引漸生翳膜不能見物此是隔中積熱肝臟風熱上攻故也宜先鑱洗除去毒血次服藥攻治之 凡目赤燕黑睛中忽從下向上生黃翳疼痛者是脾胃熱毒氣薰攻如此宜先鑱上下瞼散去瘀血次服諸藥 凡目生頑翳者可用火燒銅鍼輕點傳

波斯國銀礦名悉潤脂點之不痛勿用別法 凡目生

黃膜上直覆瞳人者初患之時疼痛赤澁發渴不定淚
出難開漸生翳膜直覆黑睛不辨人物蓋因脾藏風熱
重發於目其證如此宜先鉤割鏤洗次服蕩滌脾臟風
熱之藥 凡目忽然赤澁淚出痛痒漸生障翳赤膜下

垂直覆睛珠如朝露之色者宜急鏤洗去其瘀血次用
點藥及服諸藥 凡目胞內膠凝者是脾胃積熱膈內
風衝入魚胞瞼初如麻米久則漸長狀如桃李磨隱瞳

人後必生翳宜鍼破出血次鍼洗去瘀血加湯藥攻治
凡目風牽瞼者初患之時乍好乍惡發渴不定淚出
不止是冒氣受風肝膈積熱風熱毒氣薰發瞼背甚者
目皮翻出急宜鍼洗散去瘀血及熨烙服藥治療凡
瞼生風粟者因心肺壅毒肝家有風故令瞼穴上下有
肉如粟粒出澁痛久生翳膜宜鍼出惡血除根本凡
目痛如鍼救者初患之時微覺頭疼目眩日夕較急夜
臥澁痛淚出難開久則發痛時如鍼刺此是心臟潛伏

毒熱風壅在於膈中久則漸生障翳兩目俱損急宜鍼洗出血及鍼陽白穴 凡目忽被物撞打睛出但眼帶未斷者當時內入瞼中勿令驚觸四畔摩碎風膏及搗生地黄傅之其竅內有惡血以鍼引之

方

鉤割後用刀剪藥

安咱盧

條回回藥名

菜豆粉

糖霜

李子樹膠

各一

兩

右為末每用點瘡上

治目白膜瞞睛方

以鷄翎截之近黑睛及當白睛嚙之膜自聚鈎針
鈎挽之割去即見物以綿當眼上着血斷三日瘡

熨烙論

夫血氣得溫則宣流得寒則凝注肝臟血上主於目若
肝經虛寒則目多昏暗淚出之候古方用溫熨之法蓋
欲血氣使之宣流爾若翳膜頑厚熨法所不能去者又

宜烙之 凡五臟虛勞風熱上衝於肝從上生向下名曰逆翳從下生向上名曰順翳此疾宜用熨烙法

法

熨眼餅子

出聖惠方

治眼腫生翳瞼垂疼痛

大黃

剉鬱金

黃連

去鬚各一兩

右為散用酸粟米飯和攪令勻每用藥五錢捏作一餅子以軟帛裹不住手熨之

治眼赤腫貼熨地黃膏方

出聖濟總錄

生地黃 粟米飯醬

極酸者

右等分爛研細膏勻攤於薄絹上方圓二寸許貼熨

目上乾即易之

治眼疾出或有膿出者馬齒熨方

出聖惠方

馬齒子 人荊子

各半合

右為末入銅器中於飯上蒸熟以綿裹熨大背頭膿水出處仍乘熱熨令透睛每熨五十度膿水自絕

治目赤痒澁及一切目疾湯器熨方

出聖濟總錄

用熱湯滿器銅器尤佳用以熨目仍閉目勿開亦勿以手掙目次摘器中湯淋目候稍冷即止一日三次或四次為之若無目疾亦可間用此法

治眼昏暗中指熨法

出聖濟總錄

右東向坐氣息調適以兩手指口唾之二七相摩拭

熨目皆佳

鍼烙法

出聖濟總錄

治熱病後失明或生膜極厚者

右取平頭鍼可醫大小翳燒赤當翳中烙之須輕下

手若烙後翳已破即少傳除翳藥亦可烙眼膚生覆
瞳子

治目暗掌心熨法

出聖濟
總錄

右鷄鳴時以兩手相摩熱熨目三徧仍以指甲撚兩
背頭覺神光明爽其疾即愈

熨眼方 治熱毒風攻赤痛并瞼浮腫

右黑豆揀擇一升分作十處將軟絹帛各裹定於沸
湯內蘸過乘熱更互熨之每一分三度入湯用豆盡


當愈

治目痛不得睡及毒病後眼赤痛有翳方

暮灸新青布熨并蒸大豆袋盛枕之夜常令熱

治目為物所傷觸睛方

右煮羊肉令熱熨勿令過熱猪肝亦得



普濟方卷八十六